

丹噶爾廳志 孚慧題

地 62.39
139
=1~8




丹噶爾廳志

長白孚慧題




宣統庚戌甘肅
官報書局排印

西北鄉分圖第三



南鄉分圖第五



丹噶爾創修新志叙

丙午季冬余捧 憲檄蒞任斯土即詳詢父老以境邑之所屆錢穀之所蓄農田水利之興廢戶籍丁口之集散思有以整齊而畫一之苦無以挈其綱而提其領也因思邑必有志苟得其志古人所謂按圖籍而招流亡於撫治之道庶有以尋其端緒也然隴右風氣晚開民多質勝郡而
有志者十之九縣而
有志者十無一况丹地邊隅山城蕞爾方域即以湟中而論丹邑壤地褊小戶口零星以例縣治僅什之一以視郡治僅三十之一其孰從事於弄文削牘籍往示來積成卷軸繪人物城郭之真而增山川草木

丹噶爾廳志

卷一

一 官報書局排印

之光乎以余所蒞西甯有府志而無縣志大通亦缺至碾伯循貴巴燕戎又寂無所聞邑之無志郡屬皆然奚能責備於丹邑然之六屬者附於郡志猶得藉以悉其大畧若丹則修志之時尙在榛莽蕪莽之界其掌故更無從旁稽然以前無創始姑置之而未暇給焉及丁未之秋省垣列憲開局纂修甘肅通志續乾隆元年之舊飭屬各爲編輯余以丹地荒陋文獻無徵惟恐無以應命適邑有明經楊景昇者出其所編志草一大帙余細閱之係依部檄鄉土志之例叙次而成亦云詳備然於今茲所頒通志條目容有未諧因依新頒格式專委責成始終其事至

戊申秋秒獲告成帙爲卷有八爲目二十有七爲圖有五都十萬餘言雖未十分詳備然創始之難雖史遷且不免况其他乎時余又有調牧抱罕之命倉卒編訂以應志局之求而邑人以創茲鉅矧得未曾有欲以付諸剞劂也而丐余一言以弁簡端余以爲邑志者合歷史政績人文地理教化風俗實業而與吏治有密切之關係也蕭河得秦圖籍而知天下阨塞戶口用是以三秦而定天下余他日回蒞斯土披是籍也求丹地之利病問民間之疾苦則所以佐吾政治者將於是籍有賴焉瀕行草此以示丹人未知丹人士以爲何如也

賜進士出身二品頂戴在任候選道知丹噶爾同知事張庭武幼履氏敬叙

丹噶爾創修新志序

夫以鴻濛闢闔宇宙綜計寰海浩瀚濛濛無極秦漢晉相傳以來東攘紫塞南至赤夷西接青海北倚玉門山嶽效靈川明水漪覽天絢奇繪有如此者疊見矣丹邑地僻山陬風質饒古昔聞山川奇秀而未見之也余自姑臧捧檄又蒞是邦胼胝經營諸未盡善顏汗薄書退食委蛇惟惺惺自持夕惕朝乾常蓄在衷敢云介石是歲麥秋有早象邑人及余恐懼惓惓在抱余與闔邑士庶祈禱至誠感神

幸獲甘霖雨陽時若諒無庚癸之呼倉箱慶集歲占大有
守斯土者能不欣欣於心目間耶入長夏氣清天朗野色
宜人知郊原有摯盞者有尋勝者有躡青鬪草者碧林塵
靜漪滌煩襟綠耘賦畝香濃餅餌知歲稔也公餘暇攷撫
群言備諸佐使擷英摘詞擴充藻翰祇以風塵習染俗慮
綆深憶昔年芸牕舊雨挑燈夜讀不禁結想光陰梭擲在
蕚韶華每遇良辰美景逢名區山水佳勝處而詡詡神往
覩攬茁畚爲枕經蒞史餘汨然爲助是處城傍山隈四圍
峰環景頗如畫其東南之山也紺碧丹巖層疊翠積秀麗
天然其西北之山也嶽巖嶙峋藍蔚蒼勁渾雄如壁磅礴

之氣蒸蒸靈合欣賞玩之堪消繁冗閱三月餘入鄉導俗
知庠序彝倫世敦肅睦景仰前賢至今里人稱頌嘖嘖欽
慕注懷企戀久之觀其廟棟輝煌倉署完整武庫有備斥
堠衝要建置有方井井然謐如也顧我黎庶恪遵古訓礪
風薄俗駸駸未濡人物樸實彬質可嘉擬彙呈上世有若
此者堪媿矣榴月望後有紳士靳學書文侯手持丹邑明
經貢生楊景昇者編輯是邑新志卷分爲八帙目列二十
有七合九萬千餘言初草起於乙巳冬歲暮成於戊申暑
月璇璣在握才嫻班馬道德文章赤幟自樹噫邑之士林
當拜首賡颺稱頌焉予披讀是書不已敬服拜服拳膺於

茲助余佐治奉爲圭臬衡權之有方耳徜徉愆愆共相助以付諸剞劂成楊景昇之苦志壽如瑣珉新學書請余是序自慚學疏譚鄙荒陋不足以當鄭重聊備簡末他年相遇丹邑庠序諸君情話撫邊韻事猶歷歷如繪閭閻五中于于洄溯油然畢俱矣

宣統元年七月初一日知丹噶爾撫邊府事孚慧友竹氏敬序

丹邑新志圖書總序

上古結繩而治後世聖人易之以書契是書契者微顯闡幽彰往察來所以端治化之本也豈藉以揚名後世哉然

有書必有圖有圖始爲志奧自河以通乾出天苞洛以流坤吐地符河龍圖發河龜書感若無圖書即天地之精蘊亦無以昭示於來茲况其他乎所以河出圖包犧畫而爲八卦洛出書大禹定而爲九疇箕子因九疇而陳洪範文王因八卦而演周易開物成務覺世牖民古今致治風化之本端不由是而起乎此圖書之所由來也是以域必有志志必成書書必兼圖缺一不可古今所傳豈可誣哉况我丹城域處極邊壤地徧小自有城民以來並無志書可考尙有圖乎其見於西甯府志者寥寥數端而已光緒初年蒙西甯道張委西甯縣孝廉張公諱于書明經郭公諱

震新來丹同丹城紳耆采訪編緝積成卷軸帶回西甯未
知付刻分否時予忝列校庠繆預是事欣其草藁胥存敝
舍光緒丁未秋修甘肅志吾邑楊生景昇奉廳主命採訪
搜緝造丹城志楊生者予之隔山侄斬生者予之外甥婿
也或改課或授讀皆及門焉二生均有可造材惜時逢變
更未克大成今膺是舉甚非易事討新志藁於余余婿搜
而給之惜遺失大半僅存數十頁約萬餘言而已近聞新
志已成卷分爲八爲繪有五目列二十有七合九萬五千
餘言噫二生真可謂熬費苦心矣然河圖昧乎太極則八
卦分而無統洛書昧乎皇極則九疇滯而難通今二生所

緝幾十萬言則博矣不知以何爲要乎余於全豹未窺僅
見一斑尙未知其要也博而寡要勿爲太史公所譏則儒
家幸甚今將付梓文侯斬新翁命序於予予性癡忽筆不
能文勉成數語以誌是書之成果可以端治化之本耶抑
以揚命哉

朝考孝廉方正前任平番西和禮縣海城等處訓導選用
州判王炬南寶森氏謹序

丹噶爾廳新志序

前古荒徼之地何爲而增盛於來茲有爲之先者以建設
之也後世開拓之功何爲而超羣乎古昔有爲之後者以

布置之也乃當前政未傳後治方張之會不有以叙其初創之規模而備將來之梗概特恐前情既荒渺無稽後美亦漫無憑藉也丹邑自雍正中岳公鍾琪平定青海之後築有斯城以爲邊方而實漢番懋遷之區乃孤懸塞外時虞苦寒不毛始而武弁彈壓繼而主簿佐理至道光中漢蒙番回錯雜其際以致構成邊釁措治者頗稱疲難因設撫邊同知爲之佐治後雖同治中迭經回變田舍荒涼而猶賴地方自治之力城垣固以保全故光緒乙未之變又復自治舊規全境晏然今觀是志其政績兵事地理山水人物風俗歷歷如繪頃聞青海設立行省開墾爲田果如

其言豈不藉此而挈綱提領措施有方乎余自光緒乙未至今每有團防保甲巡警之責歷任邑侯鄧張文孚諸公以上峯纂修甘肅全志故飭諭於楊君景昇舍姪柏齡修丹邑新志而余亦左右焉今既已志成余又奉諭倡爲捐資勉力赴省以付剗劂是爲敘

宣統元年九月初九日花翎四品銜選用知縣靳學書文侯謹題

丹邑新志序

軒輳畫野而分萬國顯瓊制地以創九州其經營制度未聞於世迨後禹貢簡括山經詳明即爲地理專書之祖又

千餘年而周官告成地秩二官允津津於輿地之政而鄭重於圖志焉故郡國之志掌於小史四方之志掌於外史成周文章典禮燦然大備惜盡沈於祖龍劫灰一鱗半爪莫由上窺列聖之淵微洎史漢創垂駸駸乎後起之萌芽也遷史但述河渠而已劉向畧言地域張禹條記風俗班固因之作地郡志其州國郡縣山川夷險若時俗若經星若風氣若區域戶口各有攸叙論者謂與古禹貢周官所記相埒然合宇內而勒爲總志非郡區縣別而條其詳也至元和郡縣志與輿地紀勝則天下分志之始自宋元明代以迄於今州縣小治莫不有志而州縣滙於郡郡隸於

省必詳必備體例錯出然以版圖之擴充也政績之續增也人才之輩出也生齒之繁滋也物產之隆替也商務之盛衰也時局日變歷史日多舊有志者不得不爲踵事之增原無志者又何能辭前事之創况今

皇靈遐布瀛環島國其幅幘皆隸於職方便星所指環球而往返者不一其人凡星輶槎記之所搜羅按經緯而得其準在披圖展玩豁如也豈有本境鄉土茫然不知者乎故乙巳之春有鄉土志例之頒丁未之秋有甘肅通志之舉刊例授規檄催旁午地不以荒遠僻陋而阻人不以龔鄙無文而辭但求按款填注無事富麗鋪張是以奉命探訪盡

心搜輯爰有光緒初年先輩諸公同西甯委員編草藁數十頁約萬餘言校核輯訂取其事實合於體例以就範圍外又上考漢隨下迄於今遠紹史傳旁稽存檔俾文經武緯悉闡於拓土籌邊流峙淵源吻叶於山經水注以至細行之矜一藝之庸平準之盈虧蠻觸螳拒之動烈事雖不足以滕口而誠有可以型俗者莫不因地隨時暴其所長若夫戶田物款得諸咨詢雖非無稽之言而各爲標明不敢作證實之論者亦疑以傳疑也謹將編成新志分卷爲八列目二十有七合九萬五千餘言初於乙巳之冬僅成草稿四十餘頁旋止又起草於丁未十月而成於戊申六

丹噶爾廳志

卷一

八 官報書局排印

月僅以供甘肅通志之備採聊塞公事之責耳極知淺學荒陋僭妄訛謬無當邑乘名義後之人指斥而更正之是所望也

光緒三十四年六月穀旦邑歲貢生楊景昇治平氏謹序

且夫國有史郡有志志爲史之先資苟無作史之才奚以勝任而愉快古之善于著述者如遷得其奇固得其雅韓得其富歐得其婉而皆赫然名于後世則觀其文而足以及行遠可知也丹邑邊鄙邑也考西甯誌乾隆年間西甯兵備道楊公作志凡丹邑之民風土俗山川物產俱詳載于

其內後以丹邑爲蒙番出入要隘事甚繁劇上憲題請改設撫邊同知一員以重邊防焉由是蒙前任各廳主興養立教化民成俗凡忠孝節義之懿行可欽仰者不乏其人苟鬱而不章則人往風微何從考證昨年張幼履夫子到任隆興學校簡拔士類奉憲檄飭修廳誌張公廉知本邑貢士治平楊先生者博雅士也諭委撰修編纂成帙友生靳文侯携其書問序于余余受而讀之則百年以來之事蹟皎若列眉洵足以行遠而永垂不朽也夫宣統元年九月十五日歲貢生談良善福泉氏敬序

丹噶爾廳跨考西甯縣學序

自三代以庠序學校設教而學校之興屢代並重漢舉賢良晉舉秀異非學校無以養其人材唐考詩賦宋考經義非學校無從著其功修元以經術德行明以制藝科目非學校無以施其涵育甄陶至我

朝沿有明制定鼎燕京戶口蕃息版籍倍蓰學校之多超越千古况又改衛設縣化及蠻夷舉窮鄉僻壤邊域荒徼無不以設學興教爲經國大興自西甯一府設立學校之始末言之最初則西甯繼而碾伯至大通之改衛設學則乾隆二十六年也其時丹貴循巴四邑當無分府之制祇得歸考於他屬至道光九年丹貴循巴均設分府其循貴又各

設學校惟丹巴二邑又跨考於西甯噫丹邑文學何亞於
循貴亦何亞於西碾大通哉其府縣童試半以丹邑各童
爲第一即科歲案臨亦每列丹邑諸生爲前茅惟擢高科
登顯仕則不及西甯謂門墻遠隔之故哉是以光緒初年
丹邑有分學之議旋以地方差役加重而未果十六年又
有分學之議至聯名具稟蒙 學憲胡 因丹邑跨考西
甯之故而加西甯學額四名卒不如分設學校建修孔廟
俾邑人習觀聖域賢關慣由禮門義路之爲愈也今雖科
舉已停學官幾於閑散而正末者必端其本善後者須慎
其先

國家苟有開科收考之機當必以丹邑請設學校爲第一要義
光緒丁未秋邑侯張幼履太尊飭諭於楊君治平與余修
丹邑新志其餘各條旣已詳哉言之矣茲於地方謬無學
校並不應跨考之處畧述顛末以備採擇而待將來是爲
叙

宣統元年十月初一日歲首生新柏齡甫森謹題